



# MYEN MUNG HTE SENG AI WANGLU WANGLANG SAWK SAGAWN HPUNG

*Mungkan ting hte seng ai tara hpe grai sawng ai hku tawt lai ai ni hpe  
tara jeyang nna, tara rap ra lam hpe hkamla lu na matu, ra ai sakse ni  
hpe mahkawng ai wuhpung re.*



## SAWK SAGAWN HPUNG IIMM GAW HPA RAI TA?

Myen Mung hte seng ai Wanglu Wanglang Sawk Sagawn Hpung

(Independent Investigative Mechanism for Myanmar or the Mechanism) gaw, Myen mungdan hta grai sawng ai hku mungkan ting hte seng ai tara (International Crimes) tawt lai ai lam ni hpe, tara rapra ai lam hkamla lu na matu, ra kadawn ai sakse ni hpe mahkawng ya ai, Mungkan Wunpawng Hpung (United Nations, UN) a wuhpung langai rai nga ai. Shinggyim Ahkaw Ahkang Kongsi (Human Rights Council) kaw n 2018 ning September shata hta hpaw ninghtan dat ya ai wuhpung langai rai nga ai. Ndai Sawk Sagawn Hpung gaw, 2011 ning kaw nna Myen mungdan shara shagu hta Mungkan ting hte seng ai tara hpe grai sawng ai hku tawt lai ai lam— majan tara tawt lai ai lam (War Crimes), shinggyim masha shada shinggyim tara tawt lai ai lam (Crimes Against Humanity) hte amy shamyit ai lam (Genocide)— ni hte seng nna, mara galaw ai wa (sh) tsin-yam hkum ai masha sha rai yang, amy bawsang, n lata, tara tawt lai ai lam ni hpe wanglu wanglang sawk sagawn nga ai.

Myen mung hte seng ai ndai Wanglu Wanglang Sawk Sagawn Hpung (IIMM) gaw myen mungdan hta Mungkan ting hte seng ai tara (International Crimes) hpe grai sawng ai hku tawt lai mat wa ai ni hpe tara je yang lu na matu, tara rap ra lam lu na matu galaw nga ai re majaw shi a bungli grai ahkyak nga ai.

## SAWK SAGAWN HPUNG GAW HPA HPE SAGAWN AI?

Ndai Sawk Sagawn Hpung gaw Myen mungdan hta byin lai wa sai, byin nga ai, grai sawng ai hku Mungkan ting hte seng ai tara tawt lai tawn da ai sakse ni hpe hta mahkawng (collect), kyem mazing (preserve), dinglik (analyse) nna, hkumzup ai sakse ni lu nhtawm, mara galaw ai ni hpe lani mi tara jewat shawk shawn wa ai shaloi akyu jashawn lu na matu re.

Htawm hpang de tara jeyang ai lam ni awng dang na matu gaw ndai sakse ni hpe nhten, nmat, n jahten kau lu shi ai aten laman, sakse mabyin ni nnan naw rai nga ai aten hta mahkawng da nna, makawp maga da, myichyaw mu ai sakse ni a sakse hkam ai lam ni hpe matsing zumhting da ai hta madung rai nga ai.

Ndai Sawk Sagawn Hpung kaw nna lu hta mahkawng tawn ai sakse hte sawk sagawn maram da lu ai rai ni hpe seng ang ai ahkang aya lu ai Mungdan (sh) Ginwang (sh) Mungkan Tara Rung ni hta tara shawk shawn sa wa ai lam ni hta sakse hku jai lang lu na matu rai nga ai. Ya aten hta, Rohingya amyusha ni hpe tara tawt lai ai ni hte seng nna lu hta tawn ai sakse ni hpe, Mungkan Ru Hka Amu Tara Rung (International Criminal Court, ICC), Mungkan Rapra Tara Rung (International Court of Justice, ICJ) hte Argentina mungdan na tara rung ni hta galaw nga ai tara shawk shawn ai lam ni hta, sakse hku garan, jai lang nga ai.

Sawk Sagawn Hpung gaw kadai hpe mung rim na, tara shawk na, tara jeyang na ahkaw ahkang n nga ai.

## SAWK SAGAWN HPUNG DE SHIGA NI GARA HKU SHAGUN YA NA?

**Sawk Sagawn Hpung** de grai machyi shim, makoi magap ai ladat hte matut mahkai mai ai ladat ni gaw Signal (shing nrai) Proton Mail hku matut ai lam rai nga ai.

Signal App hpe [signal.org](https://signal.org) kaw tinang a phone de bang la nna +41 76 691 1208 de shiga ni sa mai ai, (shing nrai) [proton.me](https://proton.me) kaw manu jahpu n jaw ra ai sha Proton Mail hpaw la nna [contact@myanmar-mechanism.org](mailto:contact@myanmar-mechanism.org) de email laika shiga shagun mai ai.

Na a shimlam hte machyi shim ai lam hpe Sawk Sagawn Hpung kaw nna grai ahkyak tawn manu shadan ya ga ai. Sawk Sagawn Hpung gaw, na a myit hkum ai lam n lu ai sha, na a shiga ni (sh) nang hte seng ai lam ni hpe gara de mung tsep kawp n shabra na re.



[iimm.un.org](https://iimm.un.org)



[@MyanmarMechanism](https://www.facebook.com/MyanmarMechanism)



[iimm@un.org](mailto:iimm@un.org)